

- Nititur arte fugae, quo possit currere late,  
 Masticat, lingit, tandem sic ora resolvit,
- 90 Prosilit et plaudit, tenero terram pede tundit,  
 Mugitum reprimit, vernantia prata revisit.  
 Concessa est pecori libertas laxior illi,  
 Scandere seu laevo malit seu tramite dextro,  
 Sumere seu requiem seu continuare laborem.
- 95 Cursitat ille strepens, paribus concurrere gaudens,  
 Haec cum fastidit, silvae tutamina quaerit.
- H**ujus in occursum forstrarius elicit ymnum,  
 Moris ut est monachis longo de calle reversis :  
 ‘Sit salvus, Christe, servus, qui mittitur ad me,
- 100 Te fisis domino laetetur semet in ipso.  
 Hic habet hospitium noctis sub pace quietum,  
 Has nostras post cras sacrabit tempore mensas ;  
 Qui peccare valet, valet et succumbere poenae.’  
 Moxque cavernosos jussus penetrare recessus
- 105 Dicitur ad lustra multo foetore referta.
- T**unc lupus, ad libitum sese satiare gavisus,  
 Extulit hunc versum cuncta pietate perustum :  
 ‘Dicito quid venias, qua nos ratione revisas ?  
 Tu mihi nunc, sodes, optatus diceris hospes.
- 110 Laudes dic superis, silvae novus incola surgis,  
 Tu recreare venis tenuatum corpus ab escis :  
 Tertius est mensis, quod frustror nectare carnis,  
 Nec biberam cratum pecudis de sanguine tintum.  
 Cum prorepserunt primis animalia terris,
- 115 Mutum et pingue pecus nobis fabricaverat usus.  
 Ordinis est virtus, placetur sanguine divus.’
- I**ncipit haec vitulus singultim, pauca loquutus,  
 Infans namque pudor prohibebat plura profari.  
 vitulus secum.  
 ‘Jupiter, ingentes qui das adimisque labores,
- 120 Peccatis noctem, quin fraudibus obice nubem.